

PSB - Bahagian Arkib

From: UUM CORPORATE COMM.
Sent: Monday, 15 April, 2019 2:41 PM
To: UUM - All Staff; UUM - All Students
Subject: Disiplin Dan Komitmen Faktor Futsal Wanita UUM Bergelar Naib Johan Karnival Futsal IPT (W) 2019



Unit Komunikasi Korporat
CORPORATE COMMUNICATION UNIT
Universiti Utara Malaysia

15 APRIL 2019 / 9 SYAABAN 1440H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee
Gambar oleh: Abdul Halim Husain

DISIPLIN DAN KOMITMEN FAKTOR FUTSAL WANITA UUM BERGELAR NAIB JOHAN KARNIVAL FUTSAL IPT (W) 2019



UUM ONLINE: Walaupun tumpas kepada Universiti Malaya (UM), pasukan futsal wanita Universiti Utara Malaysia (UUM) tetap mempamerkan aksi yang membanggakan untuk bergelar naib johan pada Karnival Futsal IPT (Wanita) 2019 di Pusat Sukan, semalam.

Pasukan UUM berjaya bolos gawang pihak lawan dengan jaringan satu gol, bagaimanapun akur dengan pasukan UM yang menjaringkan sebanyak lima gol sehingga ke masa terakhir.

UUM mengekalkan kedudukan teratas dalam Kumpulan A apabila berjaya menyaingi pasukan dari UniKL, Universiti Malaysia Pahang (UMP) dan UniMAP di peringkat pusingan awal, seterusnya mara ke suku akhir dengan mengalahkan Universiti Teknologi MARA (UiTM) Perlis melalui sepakan penalti 3-2.

Kemenangan itu juga telah melayakkan UUM mara ke pusingan separuh akhir bertemu Universiti Pendidikan Sultan Idris (UPSI) yang mana kemenangan berpihak kepada UUM apabila berjaya menundukkan pasukan tersebut dengan sepakan penalti 3-2.

Penyelaras futsal UUM, Umayr Azhar berkata, walaupun mereka mendapat tempat kedua, namun ia merupakan satu kemenangan yang membanggakan.

Menurutnya, disiplin dan komitmen pemain menjadi antara faktor kemenangan setiap perlawanan berlangsung bermula dari peringkat pusingan awal hingga ke peringkat akhir.

"Ini adalah strategi kemenangan pasukan futsal wanita UUM dan aspek keutamaan sepanjang perlawanan adalah semangat juang pemain yang tinggi, semangat sebagai tuan rumah untuk mengungguli karnival ini dan juga sokongan penyokong yang hadir dari awal hingga kita mara ke akhir.

"Saya juga berterima kasih kepada semua pemain kerana memberi komitmen masing-masing menjalani latihan dua kali sehari, kekerapan mengadakan perlawanan persahabatan bagi mengenal pasti kelemahan dan juga bantuan pengurusan pasukan futsal terutama Pengarah Pusat Sukan, Za'im Ahmad dalam aspek persiapan yang banyak menyumbang di atas kemenangan ini," katanya.

Pasukan futsal wanita UUM telah menerima hadiah berupa tunai RM1,700, medal dan t-shirt Extravaganza yang disampaikan oleh Timbalan Naib Canselor (Hal Ehwal Pelajar dan Alumni), Prof. Madya Dr. Hendrik Lamsali dan Pengarah Pusat Sukan Universiti Islam Antarabangsa Malaysia (UIAM), Prof. Madya Dr. Mahyuddin Daud.

Tempat ketiga dan keempat Karnival Futsal IPT (Wanita) masing-masing dimenangi UiTM dan UPSI.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
04-928 3048/3049/3052/3061
04-928 3053
ukkuum@uum.edu.my
Universiti Utara Malaysia (Official FB)



Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.